

故鄉

一枝香詩集

魯蕙



故乡一枝春诗集

主编 张帙栋

福 建

宁德一枝春诗书画学会

1988年12月31日

封面题字：周俊杰
篆刻：周哲文
作画：杨锡甘
编 审：李可蕃
陈禅心
余元钱

故乡一枝春诗集

宁德县印刷厂印刷

目 录

前言.....	1
序.....	3
获奖诗作	
一等.....	5
二等.....	8
三等.....	18
律诗.....	18
词、自由诗.....	60
绝句.....	67
评委会成员诗作选登.....	92
新闻报道选登.....	96
贺联、贺词、贺诗选登.....	98
赞助经济单位及个人芳名.....	108
后记.....	109

前 言

在建国四十周年即将到来之际，为了歌颂党的丰功伟绩，歌颂祖国美好河山、故乡巨变，促进全国人民所迫切希望的早日统一祖国，以使“故乡月圆人更圆”。我学会特举行“故乡一枝春”征诗比赛活动。在各方面的支持下圆满结束，《故乡一枝春诗集》也和大家见面了。

自今年二月二日发出启事征诗起至八月十六日评选揭晓，历经半年多，范围遍及全国，计有二十四个省、市、特区以及马来西亚等国家的八百一十六位作者参赛。他们中有著名的诗人、作家、书法家、干部、教师、工人、农民、解放军、学生；年龄最小的十六岁，最大的九十三岁。从收到的二千一百一十二首诗作中评选出二百五十一位作者的二百六十六首获奖诗作。这些诗作不仅是作者故乡春之歌，而且表现了祖国大地到处莺歌燕舞、春意盎然的崭新面貌。

这次征诗活动如能为撩起海峡对岸人民的一缕情思，为故乡一枝春而珍恋，乃我们之企望。我们坚信，海峡两岸诗友一定会为发扬中华古诗的文化遗产齐心协力，中华民族文化将更加兴旺发达！

宁德一枝春诗书画学会

1988年8月17日

序

宁德七中青年教师张帙栋君奉公积劳，
婴危疾截肢坐废。君以弥天坚毅，力搏病魔，
学书有成，为书法函授研修生，蜚声书坛，
累获国内奖赉。因广其好于诗画，创宁德一
枝春诗书画学会，以及学会同仁匡成其事。
由是誉日以隆，邑当局乃并延参政协筹商大
局。今其学会倡为“故乡一枝春”赛诗盛举
广征同道以己所素稔之名胜古迹、风云人物、
田园韵事为素材，自由命题，系事赋诗。
斯役历时半年有奇遍及全国廿四省、市、特
区，甚且远逮海外马来西亚诸国，应征者八
百一十六人，不特有蜚声海内外之名家，且
遍及工农商学军各界，尤不乏巾幗吟俦与夫
初露锋芒之新秀，少者十六龄，耄则九十三
岁，得诗两千余首，网罗寰区，一时称盛。既
敦聘吾闽方家陈禅心词丈，余元钱先生为
词宗，君且自操铨政，余幸亦忝厕其末。四
门分选，异地相济；同犯酷暑，终毕其功；

而由张君忘劳钩稽总其成。获一等奖者十人十首，二等奖者三十人三十首。三等奖者二百一十八人二百二十有六首。并编成《故乡一枝春诗集》蔚为大观，公诸同好，夫一枝春取义骚人墨客自贻其故山春讯，人手一枝，则天下皆春。矧炎黄圣裔，隔海相望，故乡春好，能不亟盼人月同圆哉！近之开拓革新，遍敷全国奥窾，英雄人物昔已有之，今尤辈出，山川胜概，朝野风貌，亦愈焕然，其可以咏歌者靡不俯拾即是。学会斯举应时而作，俾生花之笔，藻绘得宜，烂如纷如，虽所贡尚微，犹克翌佐重熙之治，其亦猗欤盛哉！爰揭渠一枝春弘义以归之。是为序。

公元一九八八年七月杪左海壑帆李可蕃于福建中华诗词学会，时年七十。

一等奖诗作

海 峡 情 思

咫尺天涯目欲穷，前嫌抛却议三通。
映阶春色催和合，拍岸潮声稔大同。
棣出同根联径萼，雁排一字逸晴空。
相期共谱中兴曲，不用临流叹转蓬。

福建周宁县志编委会 郑自强

湄 洲 行

横翠何人画广眉，苍茫曲岛旧痕遗。
天妃故里摩崖石，星使枯槎满壁诗。
电缆初从波底度，风帆争向浪尖驰。
汪洋碧海声悲壮，目送春潮有所思。

福建莆田县人事局转 李光岱

思 归

海峡谁无爱国情，思归不得泪难禁。
将身化月明千里，照见家山慰妾心。

台湾台北 刘慧英(女)

缅怀爱国诗人刘克庄

国步艰危孰与扶，饥鸿遍野竟哀呼。
两河萧瑟伤词客，半壁凄凉失版图。
书种谁云非壮士，朝班绝痛半庸奴。
落梅百首嗟诗案，笔底春华素志孤。

福建仙游县石巷中学 王文淡

玉甌峰

绝笔悬空气势殊，由来玉甌是仙居。
无双古洞天然设，第一名山众口誉。
钟响梵僧翻贝叶，泉飞碧落撒珍珠。
我来雨后云烟净，万里江潮入目舒。

浙江乐清柳市区白石乡下阮村 赵迪生

石笋客窗即事

路转峰回别有村，几间茅舍傍崖根。
断云漠漠低于屋，修竹毵毵绿到门。
风定江湖平似镜，秋高山月大于盆。
东湖胸次舒寥廓，新境邻翁与细论。

福建宁德环城弄18号 王克鸿

谒铜陵烈士塔

塔下长江滚滚流，群雄渡此写春秋。
碧涛席卷金陵梦，浩气长存霸气休。

安徽铜陵人民东村56栋103号 张三飞

故乡一枝春

玉人高士误传真，凛凛坚贞傲雪身。
带得阳和香讯息，山乡先报一枝春。

广东韶关市余相巷15号 李竹园

咏 菊

梧叶萧萧落，秋风阵阵凉。
黄花含笑靥，独自傲严霜。

重庆市解放东路344号 胡寅

新秋与诗社诸友同游东方山

天气初凉候，欣同七子游。车随盘道转，
云傍茂林留。寺锁烟霞古，山藏松鹤幽。
灵泉深百尺，银杏阅千秋。远眺临峰顶，
高歌举玉瓯。莫忘忧与乐，遥对岳阳楼。

湖北诗词学会常务理事 张先胜

二等奖诗作

预祝中华人民共和国成立四十周年

祖国光辉四十春，同胞十亿壮吾军。
航天火箭中华有，吐气扬眉上九云。

香港《闽江风月》主遍 林祥镐

戚公塑像落成

跃马横戈卫海疆，不教华夏有豺狼。
雄师所至倭巢毁，妙策无遗士气扬。
遍地丰祠旌北阙，摩天伟像塑南塘。
功勋妇孺犹能说，谁似千秋姓字香。

福建宁德城关少年宫路左5弄12号 王克鏊

空海石像

银河赤岸翠屏开，雁没寥天燕又回。
松树墩前苔已敛，长溪河畔柳新栽。
昔曾渡海朝唐在，今复航空作客来。
纵隔一泓衣带水，樱花世世友红梅。

福建霞浦县长溪诗社 张景寿

缅怀蔡威烈士

峥嵘岁月慨当年，高举工农一帜鲜。
为党为民投笔早，反封反帝着鞭先。
丹心耿耿追高范，铁骨铮铮迪后贤。
万里电波传捷报，留将功业焕新天。

福建宁德红旗诗社 陈专年

严凤英艺术馆落成

十五芳龄入艺流，创新移植共丰收。
黄梅种播万千里，白雪歌翻廿二秋。
绝唱遏云余袅袅，倩妆旷世总悠悠。
忌才造物成何事，人自风骚馆自留。

安徽安庆市玉琳路132号 杨宣祥

游览黄州东波赤壁

临臬旧地快重游，偌大河山眼底收。
绿树屏遮新赤壁，红楼栉比古黄州。
一江万里波常涌，二赋千年字尚留。
风起快哉从伟像，问君更有几多愁。

湖北英山县志办公室 陈凯文

闽 王 祠

琅玕显爵镇南闽，扫尽烽烟洗劫尘。
德业匡唐功树远，惠风昭越化归淳。
建祠筑塔人同敬，立国开疆政自豪。
武穆文修邹鲁地，礼贤耕织爱黎民。

福州南禅新村10座13号 林鸿英

游苏州拙政园

命名拙政意深长，宦海升沉未有常。
浮翠楼前苏子笔，玲珑馆里杜陵章。
寒芳破腊通幽径，春色连枝拂画堂。
千载名园娱我老，却忘此地是他乡。

福建福鼎政协太姥诗社 朱挺光

重 登 岳 阳 楼

乘轮又到岳阳来，笑上名楼实快哉。
雄伟真堪空宇内，清幽未肯让蓬莱。
当堂古记生龙笔，满壁新诗倚马才。
更喜仙翁高卧处，长江送酒洞庭陪。

湖北江陵县沙岗李公垸学校 张芳智

黄鹤楼即景

龟蛇易代识江流，一道长虹天堑留。
南北飞车风遂雁，东西走舸浪惊鸥。
两山苍翠擎高塔，几楼葱笼护此楼。
黄鹤翩迂回故郡，白云千载镇悠悠。

成都345信箱27—1分箱 任荣光

赤壁怀古

乌林此望笑曹公，百万楼船逐浪空。
不是周郎施妙计，只消诸葛借东风。
三分天下成何事，一炬江心奏大功。
此日我来缘吊古，岸边沙砾带猩红。

中华诗词学会会员 闻楚卿

游万峰岩

此峰高耸众峰朝，佳日登临放眼遥。
半亩稻香凝旧径，四围山色护新桥。
泉飞绝壑神龙隐，洞辟危岩古篆雕。
胜景前头游未遍，自然风味出尘嚣。

福建连城姑田农民诗社 芜 著

蛾眉峰

淡扫峦峰独擅奇，一弯曲似美人眉。
云横不觉青蛾敛，雨霁应怜翠黛垂。
纤拟柳舒初带笑，耸同蚕卧更生姿。
非关彩笔朝朝画，深浅原来自入知。

福建周宁县狮城老人会 萧鸿璋

修真古洞

野花如识鸟如知，有此深山客少窥。
孔雀飞回开画翅，娥皇飘去荡云旗。
群龙盘地休生孩，一柱擎天自出奇。
幽趣满前谁会得，世人迷在桔中时。

山西省阳城县志办公室 刘伯伦

咏五华山

玉田西面五华山，山势巍峨压众峦。
万丈霞光浮岭上，几重雪影掩云端。
苍松不老留春暖，翠竹长存耐岁寒。
俯瞰新城灯灿烂，谁家不作夜归欢。

福建古田松吉乡罗华老人会 魏 鹏

返古田新城

两鬓如烟海外旋，侨联小住等游仙。
新城电放光明夜，古邑人歌大有年。
厂设四郊增国产，车通千里与云连。
家乡改革宏图展，政绩辉煌赖众贤。

马来西亚砂罗越 魏葆熙

春日村行即景

出郊暂避市声哗，数里烟村景足夸。
趁暖娇莺歌柳浪，随风轻燕掠桐花。
雨余村媪忙锄豆，香满山家正焙茶。
更爱林塘行处好，娱人心处是鸣蛙。

贵州省仁怀县第四中学 龙先绪

四季杜鹃花

漫步龙源夙愿偿，杜鹃四季溢清香，
东风有意催春信，白雪多情衬素妆。
蕊绽终年酬盛世，花留此树压群芳。
灵钟异卉诗魂醉，惹却时人问短长。

福建屏南县棠口卫生院 陈马求